

Pour maistre Balthazard Grangier, Conseiller & Aumosnier du Roy, Abbé de S. Barthelemy de Noyon, Chanoyne de nostre Dame de Paris, & Prieur du Prieuré de saint Phalle, demandeur en lettre de surrogation & entherinement de requeste ciuile,

Contre

Dom Florent Morel Religieux profex de l'Ordre de Clugny, defendeur.


LE demandeur ne pretend autre droict au benefice contentieux, que celuy qu'il a par la resignation de M^e Toussains le Febure Prieur au parauant luy, & par la prouision qui luy en a esté expediee en Cour de Rome sur ladite resignation: tellement que si ledit le Feure n'y auoit point de droict, le demandeur n'en pretend point aussi, & se condamne soy-mesme.

Or que ledit le Febure y eust, ou peult pretendre droict, c'est chose qui ne se peut desnier: car par arrest il a esté receu à le debattre avec ledit Morel, & autres, & à escrire & produire, bailler contredits & saluations, vray est qu'en fin par le dol & surprise dudit Morel il a esté debouté de sa complainte, & ledit Morel maintenu audit benefice par l'arrest, contre lequel la requeste ciuile qui se presente est obtenue.

La question donc est de sçauoir, si par cest arrest il a perdu tout droict, si la requeste ciuile obtenue contre iceluy, est non receuable & mal fondee: & si le demandeur son resignataire peut pas estre surrogé en son lieu, & se preualoir de mesmes droicts & moyens qu'il auoit.

En ce dernier poinct le defendeur se trauaille estrange-ment, & *in hoc totus est*, pour empescher ceste surrogation, opiniastrant que le demandeur ne peut estre surrogé à des

A



droicts qui ne sont point, & que ledit le Febure n'y auoit plus de droict, ayant perdu sa cause par arrest, *Cum res iudicata pro veritate habeatur*: mais c'est s'uer en vain. Car cela n'est bon à dire qu'en disputât les droicts dudit le Febure, & non pas pour empescher que le demandeur n'y soit surrogé, tels qu'ils puissent estre.

Pour examiner le droict dudit le Febure il ne s'ensuit pas, s'il a perdu sa cause par vn arrest, qu'il ait aussi perdu tout le droict qu'il pouuoit pretendre audit benefice, la conclusion n'en est pas necessaire: ouy bien s'il estoit iugé irreuocablement, & que l'arrest fust irretractable, mais s'il se peut casser & retracter par les voyes de droict, comme obtenu par dol & surprise, ledit le Febure demeure entier en ses premiers droicts. *Proprie enim res non est iudicata, quæ alio iudicio tolli potest, aut retractari*. Ledit le Febure auoit encore droict, & estoit dâs le temps de se pourueoir contre ledit arrest pour conseruer son benefice, & il l'a resigné en faueur du demandeur, *seu omne ius quod in illo, & ad illum prætereundere poterat*: qui sont les termes de sa procuration. Et pour valider ce qu'il resignoit, quelque temps apres il obtint la requeste ciuile, dont il s'agist, auant que le demandeur eust eu & receu sa prouision de Rome, ou qu'il eust pris possession en vertu d'icelle.

Mais du moins apres la resignation il n'y auoit plus de droict, & par consequent ne pouuoit obtenir requeste ciuile: A cela le demandeur respond, que *renunciacione pura & simpliciter potest omne ius tolli, sed resignatione in fauorem non statim tollitur omne ius*, iusqu'à ce que la resignation soit admise, & les prouisions expedées sur icelle. Et bien que le demandeur ait esté, peut estre, pourueu en Cour de Rome auant ladite requeste ciuile, *nondum tamen constabat* audit le Febure: pour ce que le demandeur n'auoit pas encore receu ses prouisions, ou n'auoit point pris possession en vertu d'icelles: il pouuoit ce pendant vser de son droict. *manent enim actiones & iura penes cedentem*, iusqu'à ce que la cession soit signifiée & notifiée.

Ce n'est pas proprement au defendeur à obijcer audit le Febure, qu'il debat sans interest vn benefice qu'il a cédé à vn

tiers, puis que le tiers *non conueritur*. Ce seroit plustost au demandeur resignataire dudit le Feure de luy dire, Vous n'estes plus receuable à poursuyure ce que vous m'avez resigné: mais s'ils sont tous deux en cause, & qu'ils soyent d'accord de leurs droicts, il faut que le defendeur responde à la requeste ciuile contre l'un ou contre l'autre, ou contre tous deux ensemble, qui n'ont qu'un mesme droict.

Si le demandeur auoit luy mesme obtenu ladite requeste ciuile, estant resignataire & pourueu de ce benefice, le defendeur ne pourroit pas la repousser par fin de non receuoir, par faute d'interest en la cause: *at perinde est* d'obtenir requeste ciuile en son nom, ou s'ayder de celle qui est i'a obtenue au nom dudit le Feure resignant. Et ce qu'il ne l'a pas obtenue luy mesme, c'est qu'il n'auoit pas encore pris possession, & qu'il n'a point d'autres droicts que ceux dudit le Feure.

Il faut passer oultre, & veoir si les moyens de la requeste ciuile sont pertinents. Pour la forme, le demandeur dit que le procez n'a pas esté iugé, pleinement instruit pour son regard selon le reiglement pris en iceluy, *idque* par le dol & surprise dudit Morel.

Premierement, il n'a pas eu communication de la production entiere dudit Morel, & ne l'a peu par consequent contredire, comme il eust fait & pouuoit faire, si elle luy eust esté communiquee suyuant le reiglement de la cause. Et qu'ainsi soit il se trouuera que son premier inuentaie qu'il a communiqué n'alloit que iusqu'à la cote L, & depuis il y a adiousté d'autre main, d'autre encre, & en diuers temps plusieurs autres pieces sous les cottes M, N, & O, qui ont esté cachees & non communiquees au demandeur. Cela se iustifie par le mesme inuentaie du defendeur qu'il a produit en ceste instance.

Entre autres pieces il a produit vne interrogatoire qu'il a fait faire sur tels faicts qu'il a voulu à un nommé François le Camus, qui n'est point & ne fust iamais partie au procez: & tiré de cest interrogatoire mille conclusions, que ledit le Camus n'auoit iamais accepté la collation de ce benefice, qu'il

n'auoit fait que preſter ſon nom , & finalement que ce n'eſtoit que fraude & ſimonie , & fait de ceſt interrogatoire vn fondement de ſa cauſe.

Si ledit le Febure en euſt eu communication, il l'eueſt fait reietter : pour ce que ledict Camus n'eſtoit pas partie au procez pour pouuoir eſtre interrogé ſur faiſts pertinens : & ces faiſts n'eſtoient pas articulez ny receuz au procez, pour en pouuoir faire preuue par teſmoins : & quand ils euſſent eſtez receuz, *vox vnus, vox nullius* , ayant meſme ledit le Camus eſté vrayſemblablement practiqué & gaigné par l'autorité de monſieur le Preſident le Clerc, à qui la cauſe touche . Le defendeur a donc ſeruy des pieces à couuert , qui eſt vne ſurpriſe ineuitable.

Par vne ſurpriſe contraire ayant eu communication de toute la production dudit le Febure il a fourny de contredits contre icelle , ſans que ledict le Febure ait eu copie deſdicts contredits, pour y reſpondre par ſaluations , comme il eſt ordinaire. L'arreſt, duquel il s'agiſt, fait mention deſdits contredits, & donnoit quelque preuue qu'il en auoit fourny, mais ſa production meſme en leue toute doute. Car ſous la cote O, il produit les meſmes contredits qu'il a baillez au procez, leſquels il ne peut pas dire auoir faiſt ſignifier audit le Febure. Car il n'y a aucune ſignification au pied d'iceux , & meſme il a fourny des contredits cottez P , qui eſt vne cote de plus qu'il n'en eſt porté par ſon inuentaire . Le Conſeil peut iuger de quelle importance ſont des contredits en vn procez , s'il n'y eſt reſpondu.

Terriò, il a retiré de ſa production le certificat du iour de la mort du dernier paiſible titulaire de ce Prieuré , qu'il auoit produit ſous la cote B. Et qui partant eſtoit vne piece commune & tres-neceſſaire pour la deciſion du procez. Et ce à fin que le Conſeil ne peueſt eſtre certain du iour de la mort , & qu'il eſtimaeſt *in dubio* le benefice auoir vacqué par mort , & auoir donné lieu à l'indultaire. Et l'argument que le demandeur a de le dire , c'eſt qu'encore que l'arreſt ait curieusement remarqué toutes les pieces produites de part & d'autre , il ne

fait neantmoins aucune mention de ce certificat , qui estoit autant ou plus importante que toutes les autres.

Il a aussi retiré vn arrest de sa production , donné contre l'Archeuesque de Lyon , par lequel il vouloit iustifier que ledit Archeuesque auoit esté euincé de son Prieuré d'Aisnée qu'il auoit eu en eschange du Prieuré de Coincy , & inferer qu'estant euincé de ce Prieuré il deuoit rentrer ou demeurer au sien de Coincy. Et consequemment que M^e Charles Duret collateur dudit le Febure, ou de François le Camus, duquel il est resignataire, n'auoit point eu de droict de conferer.

Mais pour ce qu'il a veu que c'estoit entrer trop auant , & tacitement confesser que si ledit Duret eust esté vray titulaire de Coincy, sa collation estoit valable , il a retiré son pied de ce pas-la, & ietté ledit arrest hors de sa productiō, du moins il n'est point au veu de l'arrest, comme les autres pieces de consequence.

Au fonds , la question n'est que de sçauoir si le benefice a vacqué par mort, ou par resignation admise auant la mort: s'il a vacqué par mort, le demandeur n'y pretend rien : mais s'il a vacqué par resignation , il n'y a que tenir qu'il ne luy appartienne , ayant la resignation d'iceluy de main en main par ceux qui en ont esté vray titulaires.

La resignation fut faite le 7. Aoust 96. purement & simplement entre les mains de l'ordinaire : la collation faite le 10. à François le Camus dispensé *ad regularia* : & le 11. ensuiuant *postius quesitum*, le titulaire deceda, ainsi qu'il appert par le certificat de la mort, produit par le defendeur mesme sous la cote B, de sa production principale.

Après sa mort ledit Morel s'est fait pourueoir comme indultaire , M. maistre Nicolas du Val se fait pourueoir par M. le Legat, vn nommé Liquet par l'Archeuesque de Lyon , & tous *eodem genere vacationis per obitum*: Mais ledit le Febure resignataire dudit le Camus le deuançoit ayant droit par resignation admise par l'ordinaire , & fut receu partie au proces en ceste qualité.

On a disputé son tiltre par plusieurs moyens contraires:

premierement, on luy a obiecté qu'il estoit fuscité par M. du Val nepueu du dernier titulaire : & on dit aujourdhuy qu'il n'est que confidentaire du demãdeur, ou d'un nômé du Bosquet, qui sont choses treselôgnees. Car il ne pouuoit pas faire pour M. du Val, & pour le demandeur tout ensemble: aussi est-ce chose supposée & tresabsurde.

Le defendeur dit, que le sieur de saint André *animam agens* resigna en faueur dudit Granger en Cour de Rome, mais que le resignant estant decedé auant que sa resignation eust peu estre admise, qu'on a eu recours à un antidatte fait par maistre Charles Duret, soy disant Prieur de Coincy, qui a conféré ledit Prieuré à François le Camus.

Mais c'est temerairement parler. Car si la collation a esté antidatée, il faudroit aussi que la procuration pour resigner purement & simplement entre les mains de l'ordinaire eust esté falsifiée. Ce qui ne se peult pas dire, car ce sont personnes publiques qui l'ont receue, *de quorum fide non dubitatur*: ou si ladite procuration est vraie, pourquoy l'eust on si long temps gardée, pour faire à pres un antidate? se pouuoit elle pas faire aussi tost du commencement qu'à la fin? mais ce n'est pas assez de soubçonner un acte, il fault s'inscrire formellement en faulx, *aliàs pro instrumento standum est*.

On adiousté, la resignation est nulle faite à *moriente*, & en fraude de l'indultaire, il falloit au moins que le resignant suruesquist vingt iours, mais ceste reigle de *xx. diebus* n'a point de lieu aux resignations qui se font és mains de l'ordinaire, mais seulement en celles qui se font en Cour de Rome, *& in fauorem tertij, ne beneficia fiant hæreditaria*.

Par telle resignation simple és mains de l'ordinaire, il n'y a point de fraude contre l'indultaire, ny de la part du resignant, ny de la part du collateur. Car le resignant, *qui purè renunciat, non cogitat de fraude*: cela n'est pas à croire, que pour frauder autrui il se voulust soy-mesme priver de son benefice. Et quant au collateur, *non facit in fraudē, sed utitur iure suo*, quand il cōfere *motu proprio* le benefice, qui est remis entre ses mains à qui bon luy semble, & l'indultaire n'a point droit de l'en empêcher.

Mais par ce moyen iamais les indultaires ne iouyront de leur indult: *negatur*. Car il ne se fait pas aysément qu'un beneficier en quelque mauuais estat & santé qu'il puisse estre, vueille remettre purement son benefice entre les mains de l'ordinaire, il espere tousiours venir à conualescence: ou s'il le resigne simplement, l'ordinaire a droit de le conferer incontinent, nonobstant l'expectatiue de l'indultaire, qui n'a point d'effect que *per obitum*.

On dit, le Camus n'auoit pas accepté la collation, ny pris possession du benefice quand il l'a resigné audiect le Febure: mais il ne s'ensuit pas s'il n'auoit pris possession, qu'il ne l'eust pas accepté: *solo animo potest acceptari*. Et en ce qu'il l'a resigné il iustifie qu'il l'a accepté. Car on ne peut resigner ce qu'on n'a pas, & qu'on ne pense pas auoir: *pruatiopraesupponit habitum*. Ioint que les benefices s'acquierent par le tiltre, & non par la possession, & pouuoit estre resigné *nondum adepta possessione*.


Mais il n'auoit pas fait insinuer ses prouisions dans le temps de l'ordonnance. A cela il est aysé de respondre, c'est qu'il ne vouloit pas garder ce benefice, il le vouloit resigner audiect le Febure. Et tout ainsi que la possession *non tribuit, nec tollit ius in beneficio*: de mesme l'insinuation de la prise de possession, ou du tiltre, ne peut donner droit au benefice: car ce ne sont que choses accessoires & dependantes du tiltre, qui seul se doit considerer.

Prendre ou ne prendre pas possession, insinuer ou n'insinuer pas, *nihil facit ad titulum*: Il peut bien seruir de quelque chose pour la recreance *in re dubia*: Et fait mieux celuy-la qui fait insinuer ses tiltres, que celuy qui ne le fait pas: mais pour le droit & pleine acquisition du benefice, il ne fault considerer aultre chose que le tiltre & la collation: *verbo perficitur gratia, & sola canonica collatione, etiam absque possessionis traditione ius in retribui receptissimum est*. C. ult. de concess. præben. & C. pen. de præbend. lib. 6.

On debat en dernier lieu la collation dudit le Camus *ex defectu potestatis* du collateur, sur ce qu'on dit que ledit Duret n'estoit pas vray titulaire du Prieuré de Coincy, duquel de-

pend celuy qui est contentieux entre les parties : mais le contraire est iustificié au proces par bons tiltres, du moins qu'il en est possesseur legitime en vertu d'un arrest de la Cour, & d'une sentence donnee aux Requestes du Palais : *at patroni etiam putatiui presentatio, vel collatio valet. C. consultationis. Ext. de iure patronatus. Et arg. L. Barbarius Philippus. ff. De offic. Præ.*

M. DES-FRICHES Rapporteur.



Au fonds, le principal moyē du defendeur est sur la provision du Camus dispensé, dont le demādeur a le droict, laquelle il a tousiours dit n'estre valable, pource que Duret collateur n'auoit point de droit de cōferer: ce qu'il pretendoit iustifier, principalement par le moyen d'un arrest du grand Conseil interuenu vn mois ou enuiron auparauant celuy, contre lequel la requeste ciuile a esté obtenue, par lequel le sieur Archeuesque de Lyon auoit esté euincé de l'Abbaye d'Aisnee, dont ils tiroient vne consequence necessaire qu'il deuoit rentrer au Prieuré de Coincy: & que partant Duret ne s'en pouuoit dire titulaire, ny en ceste qualité conferer les benefices qui en dependent

Ce qui ne peut auoir lieu maintenant: pource que par arrest du priué Conseil du Roy donné depuis celuy du Conseil au profit de Morel, produit au proces sous la cote L, nonobstant l'arrest du Conseil ledict sieur Archeuesque est maintenu & gardé en la possession de ladite Abbaie d'Aisnee, avec defences à toutes personnes de le troubler ny empescher dont ensuit qu'il ne peut rien pretendre à Coincy, iouissant de l'Abbaye d'Aisnee qu'il auoit permutée avec le Prieuré de Coincy, duquel consequemment ledit Duret demeure vray possesseur & titulaire & comme tel a peu & pourroit encores conferer ledit Prieuré de saint Phalle qui en depend, & tous autres.



Paulum fr^{re} grangeier loure
Morel p^{re}curator
Pralle

Aussi le principal moyen de desdits est la prou-
tion du Camus d'Epône, dont le demeurant a le droit, l'adul-
le la raison d'iceux d'iceux valable pour ce d'iceux collateur
a avoir point de droit de coïncider: ce qui n'est point d'iceux
principalement par le moyen d'un article du grand Conseil
intervenu un mois ou environ auparavant ceoy, contre le-
quel la requeste civile a esté obtenue, par laquelle le Roy Ar-
chevesque de Lyon a esté cédé de l'Abbaye d'Alibec,
dont ils tiroyent une coïncidence nécessaire de l'Abbaye
renner au Prieuré de Coïncy: & par tant Dorenavant
pouvoit d'icelle, ny en ceste qualité, contre les pen-
sées qui en dépendent.

Ce qui ne peut avoir lieu maintenant: pour ce que par ar-
rest du Prince Conseil du Roy donné depuis celui du Conseil
au profit de Morel, produit au procès sous la cote I, non-
nobstant l'arrêt du Conseil le dit leur Archevesque est
maintenu & gardé en la possession de ladite Abbaye d'Alibec,
avec défense à toutes personnes de le troubler ny empêcher
dont ensuit qu'il ne peut rien prétendre à Coïncy, jussu de
l'Abbaye d'Alibec qu'il aroit permuté avec le Prieuré de
Coïncy, duquel coïncidemment ledit Dorenavant vray
possesseur & titulaire & comme tel a peu & pourroit encore
contester ledit Prieuré de Coïncy l'halle qui en dépend, &
tous autres.

